

Nunavumi Inminik Tokotigitagani Atoligumayaenik

October-mi 2010-mi



Iitagiyaoyun

Kavaman Nunavumi, Nunavut Tungavitkolo, Ikilogolo Inuhik Katimayin, Pilehimalo, ikayoktigen hatkiknigani Nunavumi Inminik Tokotigitagani Atoligumayaenik, ilitakhiyun havakatigeknikmik inmiknik tokotigitagani inoen Nunavumi, ilitagiyaovlotiklo ikayutaen atuni ikayokteoyun.

Ikayoktigelo ilitakhiyun tamaenik inuknik, ilageniklo, nunalikniklo, timeoyoniklo havaktonik inminik tokotigitagani inuhikatealigeaganilo inoen Nunavumi. Akhogutigiyani ikayoktogeagani ukoa ikayogeakaktun atoknikateakman koyagiyaovlonilo.

Talvanetun

<i>Ilitagiyaoyun</i>	_____	<i>i</i>
<i>Hivonikhiyotin</i>	_____	<i>i</i>
<i>Taotuktaoyuyaktok</i>	_____	Error! Bookmark not defined.
<i>Inminik tokotini Nunavumi: Taya kanoginiga</i>	_____	3
<i>Taemani kanoginiga piyotaoyok taya kanoginiganik</i>	_____	6
<i>Ihomaloknkniga amigiyaganilo inminik tokotini</i>	_____	8
<i>Ihoaktok atugitagani inminik tokitini Nunavum</i>	_____	13
<i>Akhugutikhan aniguteakaktun</i>	_____	14
<i>Atuligeagani Atuligumayan: Okagekhiyayun</i>	_____	17
<i>Iniktigutin</i>	_____	Error! Bookmark not defined.
<i>Piyaovigihimayun</i>	_____	Error! Bookmark not defined.

Hivunikhivotin

Inminik tokotini aktotnikakman inuhiknik tamaenun Nunavumeonun. Amigaetun inhoekhimayun – ukoaloan Inoen inulgamen – kaoyimayaoteaktok Nunavumi. Ikitun inoen kaoyimayun agitilaganik inuhoehtun inmikni tokotiyun Nunavumi Inoen 40-ni atokhimaliktoni ukeoni, ikitolo ataniktoeven naglikhakhimayun akiyomik inmikni tokotiyun naglikhagutaenik Nunavumeon. Nunavumeon ilitogihimaliktun nanminik atoenakhogolo inmiknik tokotiyun namagenakugivlogo taemaeginakniga.

Taemaetkaloaktologo, ayoknakpeaktok okaohigiteageagani una ihomalutaoyo Nunavumi, inum nanminik, ilagelunen, nunalelunen, maligaleoktonilunen.

Inuknik okaohigiyaogitkaloaktologo kanok ihoakhuyuhikhagun aneaktaelinik ayokhaktolo ihomagiyayen inmiknik tokotini, upiyotikaktun. Inminik tokotini hakikakman inuhikni aneaktaelinikulo ihomagiyayoyoni 1970-nin, amigaetun akhugutikaktun, nagliguhuktulo, unagoetulo inoen amigaetulo aalatken timeoyun havakhimayun taemaegitagani.

Taemaeleokhimayun tamaeni nunalikni Nunavumi. Ukoa nutkaktitinahoan sikuktitiyeolaktun, monaktilunen olapkiyonik, monakhilo ayoetun, iniknigilo, nunaliknigakhimayolo timeoyun, ikpigohuktulo monagumayun inoen. Hivuleohimayun amikhiyagani inmiknik tokotini atugitagani, upiyotaelo ihoakhivaaligutaokmata inuhikateaknikhamun inoen ihomalogiyayoyun ilagiyaelo.

Ukeoni, amigaetun ukoa akhugutikaktun inoen okakhimakmata ikayoktogegeaklotik pikoekmata atugitagani inminik tokotini. Una ikayoktogechnik ilitakhiyotaoneakman ilaoligeaganilo tamaeta ikayoktigen, ataotimugeagani inoen iliguktini kiheani ilaoyoni havaani. Ikayoktogeagani kaoyimateaknikun upiyotin nutkaktiyotilo, piyotaoneakman ataotimik aolavikhamik inmikni tokotigitagani havaagiyaen nunalen, timeoyolo, kavamalo.

Upiyotigiyan kagagaalok tukhiktoktaanik ikayoktogegeaklotik piyotikhamik, 2008-mi Kamavan Nunavumi, Nunavut Tungavikolo, Ikiogolo Inuhik Katimayin, Pilehimalo ikayoktigelikhimayun hatkigeagani Nunavumi Inmiknik Tokotigitagani Atuligumayaenik. Talvaganin, Ikayoktogen ihivgeokhihimayun nalohoektaenik ilitokhaeyin amigaetonin

ikayutaolaktonin, tohagumavlotik hivonikhiyutikhanik piyotini ikiklivaaligutaoyonik inmiknik tokotivaktun aheni ataniktoktaoyoni. Tohakvigiyomahimayaelo Nunavumeon okaoheoyomi makpigaamin¹, nunalelo okakatigivlogin, hivunikhakakuvlogin okaoheoyun tamaenin ilaoyunin piyotikaktun inmiknik tokotigitagani.

Makpigak havuma kigoani katitigutaoyok malgukni ukeokni ilitokhaenimik ihoaknikhamik atugitagani inmiknik tokotini Nunavumi. Aolaktigeaktok Ikayoktigen taotuktuyaktaenik aneaktokagitagani Nunavumi – taotuktuyaktaoyok aolateageagani pivaleaniga ileongaomayok Atuligumayaenik. Naonaeyaeyun taya kanoginiganik, taemanilo uplomilo piyotaoyun taemaniganik. Una hivunikhiyun okaotaoneaktonik Atuligumayaenik aolaktigeagutikhaenik ilaloaginiklo, akhugutaoyolo aniguktaknan, okageyateaktaelo havaakhamiknik Ikayoktigen.

Taotuktaoyuyaktok

Inoen taemaegitun Inoenaonikmiknun ihomaloknatkiyaolotik inmiknik tokotiyagani Inoenaogitonin. Ihomagenakhogo una akhogutaoyok taemaeniganik, Ikayoktigen taotuktuyaktun Nunavumik inmikni tokotivaktun taemaetageakaginiganik takoyomayun, amigaenigin inmiknik tokotivaktun ayokotagiligeagani Kanatami tamaeni – ikitkiyaoliklotiklunen. Una Nunavut nutakan inulgamelo iniknigukpaleayagani ihomaloknaelgumi pamiktaoteaklotiklo ilagiyamiknin, inoen inuhikatealigeagani, havateaklotiklo ayogeagamik anigugeagani ayokhaotaogaloen, ihomaleoteaklotiklo atogumayamiknik, inukatikatealigeaganilo iniknigogumik. Una Nunavuneaktok ilagen, nunalelo, kavamalo havakatigeteageagani pikageagani tamaenun ilitkohiknulo atoknikateaktun ikayutin ihageahoktunin.

¹ Una okaohikhak makpigaak kahaktok kagitaoyami uvani: <http://www.gov.nu.ca/suicide/index.shtml> and <http://www.tunngavik.com/2009/04/14/using-knowledge-and-experience-as-a-foundation-for-action/>


Homigakhimayolikaa ilaoyun upitageakaktun piyagani una ihomagiyaoyok. Tamakmik inoen timeoyolo Nunavumi ilaolaktun atoktaogitagani inminik tokotinihmik, inuhikateaktoniklo nunakageagani. Upinigumik, ukoa inoen ikayoktigelo ilaonikatealaktun iniktigeagani una ihomagiyaoyok tamaenin.

Inmiknik tokotinihmik Nunavumi: Taya kanoginiga

Kaoyimayagani huk okageyaktaoyun uvani Atuliktukhami, taegoaktin hivoagun piyageakaktun hivonikhiyotikhanik taya kanoginigagun Nunavumi. Naonaepkotin uvani oegoani koveanagitok taotokhigin, kiheani nalonagitok huk kilamik, akhugeaklotiklo upitakeakalikmata. Piyotaoyulo naonaepkotikhanik aolanigagun Atoligumayaoyok atoktaovalealikan.


Kaganoak kiheani, Inoenanen ikitun inmiknik tokotiyun. Inmiknik tokotivakaloaoktilogin, taemaeginagitok, inulgamelo ikituvlotik taemaeleoktun. Taemaehoekhoni, kavinoani ukeoni, amigaeyoaktun Inoen Nunavumi inuhoekhimayun inmiknik tokotiyun, Nunavumi inmiknik tokotiyun amigaenikhaolikhok Kanatami ahini taemaeleonigin (Naonaepkotin 1-min 3-mun). Enohoktun Inoenanen amigaenikhan ukunani inuheoktoni, ukoaginaogitun ihomalogiyaoyun. Inoen aknan Nunavumi inuhoekpaktun inmiknik tokotiyun ikinikhaoyun Inoenaknin agutinin Nunavumi, kiheani inmiknik tokotiyun Inoenanen aknan Nunavumi amigaenikhaokmata aknanin ahini Kanatami nunani.

Naonaepkun 1: Kaveonigin inuheoktun inmiknik tokotivlotik Nunavumi Inoen, 1961-min 2009-mun ukeotigun




Humin: Hicks, Jack, *Inuhikni naonaegeagutin amigaekpaleaginik inmiknik tokotiyun Inoen inulgameoyun*. Tikitpaleayok ahinin PhD-mi naonaeyaon, Ilisimatusarfik (Ilihakvikyoak Akugitokmi). Pihimayun naonaepkotinin Havakvenin Tokohimayonik Ilitokhaeyin Nunateami Nunavumilo.

Naonaepkun 2: Amigaenigin inuhoekhimayun inmiknik tokotivaktun Nunavumi Inoenan Kanatamilo humilikaa, 1982-min 2008-mun



Humin: Hicks, Jack, *Inuhikni naonaegeagutin amigaekpaleaginik inmiknik tokotiyun Inoen inulgameoyun*. Tikitpaleayok ahinin PhD-mi naonaeyaon, Ilisimatusarfik (Ilihakvikyoak Akugitokmi). Pihimayun naonaepkotinin Havakvenin Tokohimayonik Ilitokhaeyin Nunateami Nunavumilo Naonaepkotikakvikmilo Kanatami.

Naonaepkun 3: Amigaenigin inuhoekhimayun inmiknik tokotivaktun Nunavumi (2004-min 2008-mun) tamaetalo agutin Kantami, ukeogitigun



Humin: Hicks, Jack, *Inuhikni naonaegeagutin amigaekpaleaginik inmiknik tokotiyun Inoen inulgameoyun*. Tikitpaleayok ahinin PhD-mi naonaeyaon, Ilisimatusarfik (Ilihakvikyoak Akugitokmi). Pihimayun naonaepkotinin Havakvenin Tokohimayonik Ilitokhaeyin Nunateami Nunavumilo Naonaepkotikakvikmilo Kanatami.

Aheani inuhoeknigin inmiknik tokotivaktun, amigaenigin uktoktun inmiknik tokotiyagani ihomagiyakaktolunen amigaetun Nunavumi. 2009-mi talvatoak, Pilehiman upiyotikakhimayun 983-nik inoen okaknikaktaoyun inmiknik tokotivaktogivlotik Nunavumi. Ikeyoknahoan okakhimayun aknan Nunavumi inmiknik tokotinahoakpaktun agutin ayikotaen amigaeniginik. Taemataok, naonaepkotin Kigiktani Aneakveani takukhaoyun inoen 20-nin 29-mun ukeokaktuni, napaen amigaenigin aniknikun aneakvikmeyotaen piyotaoyun inmiknik tokotinahoanin. [13] Hivonikhiyutikhan inmiknik tokotiyamikni ihomayun kahagitun, kiheani ilitokhaegamik ataohikmi nunalikni 2008-mi naonaegutaoyok 43%-goyun keoyotikaktun inmiknik tokotiyamikni ihomahimayun kigulikni saevani uploni, 30%-lo inmiknik tokotinahoakhimayun kigulikni siksini tatkikheetini. [5]

Tamaeni, naonaepkotin inmiknik tokotiyamikni ihomagiyakaktun, uktoktolo, tokotiyulo Nunavumi ihoaginman taemaeniga, inoen, nunalelo, kavamalo upiyotikageakaktun.

Kiheani nutkaktiyotin kikloanun iniktigeagani ukoa kanoginigin
kaoyipkaktitaoyageaktun ilihimayaenik huk inmiknik tokotivakmagaa Nunavumi.

Inuyutini kanoginigagun piyotaoyok taya taemaeniganik

Amigaenikhan inoen – ayogitun minihitalo taemaetun – ilitokhaeyun piyotaoyonik taya amigaeniginun inmiknik tokotivaktun inuhikni naglikhaogutigiyaenun Inoen Nunavumi. Tamaetavyak piyotaoyun huk amigaekpakmagaa inmiknik tokotiyun Nunavumi kilamik aalagukpaleanigagun inoen inuhen hamani; amigaenikhalo okaoheoyun inmiknik tokotigitaagani ihoamagiyakakloaktun kanok kigloaguligeagani hamani kanogilivaleaniga. Una oegoa okaohikaktok inuyutinik aalagugutaoyonik inoen inuyuhenik aktoknikaenaktuvlo uplomi ukuniga. Ukoa inuyuheoyun huk taemaeniganik talvuna hatkigutaoyok inuyuhikni inminik tokotiyuhik ihomalutaovalageokhoni. Ukoa inuyuheoyun kagikhiyotaokman uplomi ihomalutaovalaginiga. Ukoa inuhikmi kanogileogutin kaoyiyotaoyun uplomi ihomaloknkniganik amigiyaganilo piyotaoyokni inmiknik tokotinahoan (okaotaoyok oegoani ilagani) tukiheayaolaktun.

Ineon aalatkenik inuyutikaktilogin kilalogikiyilo, minihitalo amikniklo neovgutikaktun amihoni ukeoni, amigaenikhan Inoen ihomayun ukoa naglikhagutigiloaktaen inuhikmikni atulikhimayun Agoyaktaktilogin Agoyaknik 2-mi, Kavaman Kanatami pitkohen atoktiyotaokmata Inoen nutagani aguneakvikmiknin nutanun iglukpakveoyonun nunalikni. Kavlonan ilitkohen atoktaotkoyaohimayun ukunani nutani nunalikni: manikhakheoknik hatikhimayok; sikugeageaganilo nutakan atugeakalikhoni; Inoen igilgaan ihoenaktunik pitkohen himaohiktun Kanatami ihoenaktunun pitkohenik; ihoagitun iligayolo kavlonanin atoktaovaktun iglukhan napaktiktaovlotik; Inoenaogitolo ataneoyun aolapkakhotin atuni nunalen aolanigin. Inoen ihomayun una inuhikmik aalamik atokpalealikhiga ahoeyotaokman nanminik aolanikageagani Inoen.

Amigeakpaleanign aktoknigin ukoa inuhikmun ihoeliyutaoyun Inoenakni hatkigutaoyun ihomaluknaktonik kanoginiginik. Hivulik tamaetalo kigoagun inuyun nutakan pamiktaohimayun nunalikni atulikhimayun aalagukpaleaniginik Inoen inuhenik, aheanin

igilgaan Inoen inuyuhenin ilagekniginun Inoen kavlonalo piyotigiyaenik. Inuvaleayun Inoen pamiktaohimayun nunalikni ayokhaotikaktun ihoaknikhamik inuyutikageagani ataotikun malguknik aalatkeknik ilitkohikaklotik.

Nutak taotuktak inuhikmilo kanoginigin nunalikni aktoknikaktun Inoen aneaknaenikhanik amigaetoni, kiheani amigaeknigin aneagutin povaklutilo, unaloak TB, aktoknikakloaktok Inoen inuhenik. TB-kaktun amigaekpeakhimayun Inoen nunagiyaeni, 1950-nilo ukeoni 1060-milo Inoen umeakuktitaovlotik kavluan nunaenun aolaktitaovaktun aneakviknun monagiyaoyagani. Amigaetun inuhoekhimayun kavluan nunagiyaeni, ahelo aheopkaevlotik inuyuhikmiknik ilagiyatiklo nunagiyatiklo kigoagun ayokhaotakmata ilaolivaageagani.

Iglukaknikmi inuyagani ataotigugutaomalo ahinun sikugeakpaktun atoktaoyonik, hatkigutaokman agiyonik ihomalutaoyonik Inoenaknik nutakanin ilagiyaenilo. Amigaetun nutakan ukunani sikuktun aheopkakhimayaen Inoen okaohen, ilagin okakoyaoginmata talvatoak okaohigigaloaktologo. Sikuktun okakvigivalagitaen ilagiyatik pikoyaoginamik sikukhimaktilogin, ilihagoegutaokmata ayoenigiyaenik atoknikaktoniklo Inoen inuyuhenik. Amigaetun nuleaknikun, ihomamigulo, timimigulo piteaktaogitun sikugeakhimatilogin talvuna.

Agayokan, agayukhelo anikataen ilagiyaelo ilagen naglikhakhimayun ahinun sikugeaktun inuyuhenik. Nutakan utigaagata agilgagiyamiknun, aalagukhimayun. Amigaetun ilgahulikpaktun naglikhaknikmin kaoyimayamiknik ahini sikugeakhotik. Unalo, ahinun sikugeakhimayun okaoyuktaokmata ukpikhotiklo hunalika piyotikaktok Inoen ilitkohenun pitkoheoyonik nakuginman, ukoa nutakan ukpiguhugitun atogeagani kaoyimayaen agayokami atatateamilo okaohiginahoaktaenik inmiknun. Mameana, ukoa inoen inuhimayun talvuna tungavikateaginmata Inoen inuyuhenik ayogeageagani inuyaganilo okaohigiyaganilo nanmin nutakamiknun atoktakhaenik.

Naglikhagutaoyok kaoyimayan Inoen nunaliknun nutpaleatilogin ukeoni aktoknikakloakman tamaeni kigulikenik inuyunik, amigaetun Inoen ihoetomik

aktoktaohimakmata talvuna haemagituvlotiklo. Una ihoakhigitok naglikhagun ayokhaotigikmayuk kanogileogeamikni ayoknaktokaktologo ihoaknikugeagani piyotikhamik. Ihoetun inuyutin kigoagun atulikpagaen imikpalaknik, nuleakniklo, timimigulo, ihomamigulo piteagiyotin, nunakaniklo monateaginik, nigaknikulo ihoenagutin. Kaoyimayaoteageakaktok amigaekpaleanigin inmiknik tokotivaktun hatkikhimayun hivulikni nutagagiyaenin Inoenen inulgamen inuyonin nunalikni. Pikagitologo ihoaktonik haemakhaotikhanik, atoktaoginaktok naklikhagun hatkikhimakman, atoktaohimaginakhonilo kiguligenin inuyunin. Una okaotaoyok kiguligenin atoktaohimaktok inuyuhikmi naklikhagutaoyonik.

Tukiheanik inuhikmi naklikhagutaoyun atoktaohimalaktok kiguligenin inuhimayonin ihomagihogutaoginman aktoktaohimayonik inuknik anikhivaktonik ahenik inuknik; ilitokhagnigilunen huk taemaeniganik inuyuhikmi nakpikhagutin Nunavumi taemaenigaktaoloni taya inmiknik tokotivaktonik amigaeniginun ihomagiyaoyagani ataotimik timeoyomik. Kiheani, kaoyimalogin inuhikmi naklikhagutin kanoklo atoktoavaleakmagaa kiguligenin inuyunin aplogeagutaoteaktok atugeageagani una utiktoateoginaktok Nunavumi. Una tukiheayun pivaaligutaoneakman atoknikateaktonik monakhivotikhanik, kaoyivaaligutaolonilo kanok inmiknik tokotigitagani inoen Nunavumi.

Ihomaloknagnin amigiyotikhalo inmiknik tokotinahoonik

Inmiknik tokotiyun Nunavumenak ihomalutaoginman: Hilakyoami Aneaktaelinikun Timeoyum okaohigiyaa inmiknik tokotini aginikhamik kitunilikaa aneaktaelinikun akhugutaoyok uplomi, nalaotakhotiklo amigaenigin 1-milean inoen hilakyoami inmikni tokotihimaliktun ukeotoagaagan. Inmiknik tokotivaktun atoktaohimakman tamaeni nunakyoani apikotaovlonilo ilaeyaktonin, ilitokhaktovaktok umiga okaotaoyomik. Una ilitokhaon naonaegutaokman inmiknik tokotivaktun kagugugaagan taemaeleokniginik. Pikaktok ilitagiyakhanik piyotaoyonik – ilagin inuhiknin, ilagin ihomamin – inoen ihomaloknagutigivagaen inmiknik tokotiyagani. Okaohikun, piyotikaktok upiyotikageagani amigiyotikhanun pigeagutinik.

Ihomaloknkniginun piyotaoyok

“Ihomaloknknigagun piyotaoyok” hunalika taemaeleogutaolakniga inuk ihomagiyakakneakniganik inminik tokotiyagani. Okaohikalaktok inum kanoginiganik, hunalolikka kanoginiganik, inuvlunen inukatiginik kanoginigagun. Nanminik kanoginigin ilakakpaktun inmiknik tokotineaknikmik ukuniga agiyomik ingumanikmik, ayoknknikun ihoeliyotaoyok ihoakhiyagani, atokpalakniganiklo taagaknik aheniklo imigaknaktonik. [7, 16, 3] Inukatikaknigagun piyotaolaktun inmiknik tokotineaknigagun ilakaktok noatkatikagumi koveahogitonik ilageni, timimigun nuleaknikulunen piteaktaoginigumi, agayukagoegumi monaktiminiklunen nutagaovloni, kaoyimanigumilunen inmiknik tokotinahoanik ilagiyaminik ilanagiyaminiklunen. [7, 2, 1, 6, 3, 4, 11, 12] Inukatigilo ilaoyotikaktun: inukatigegoekata avinikatalo, avaletuliknigumik, ayokhaotikagumiklo nunakatikateageamikni nunalikni tamaeta ukoa naonaegutaoyun inmiknik tokotineaknikhanik. [7, 8, 9, 11] Kigulikmik, aginikhan inuhikni ilitkohiknilo piyotaoyun iliganik, inuhik ihoelinikan, aheoniganiklo ilitkoheom piyotaokmatalo, ukunanga taemaeliyotaoyoniklo kanoginigagun inuvlo kanoginiganik. [7, 8]

Aalatken pivaleanikun kanoginigin ilaolakniginik takukhaokmata ilaoniginik inmiknik tokotiyomayun inuhikmikni, inmiknik tokotigitagani havaan ilani ihoakhivaaligutikhanik nutakam inuheani mikaotilogo pikageagani. Havaan agayokaguteageagani, ilagelo nigagoegeagani piteagutilotiklo, okaoyoklogilo nutakan ayogeogeagani inuyutikhanik, ayokhaotiniklo ihoahaeyagani, inukatikateageamilo, ukpigiyaoyun tamaeta nutakanin tungaveoteagutaokmata inuhikatealigeagani.

Ihomaloknkniginun piyotaoyun aktoknikalaktun ahenun ila agiklivaaligutaolaktun ihomaloknkniganik. Ataohenaogitomik ihomaloknknigagun piyotikaknikan inum inuheani ataotikun ihomagiyayaoyageakaktok tukiheayaoneakniganik inminik tokotineaktum kanoginiga inuhikmigun. Inminik tokotinin ilani piyotikakpakman ihomakateagutinin, ima kekiyotun ingumaenaknikmilo, pikakmalo kanoginiginik - Nunavumi – inoen aktoktaolaktun amihonin ihomaloknknigagun piyotaoyonik. Una ihomami ihoegutilaktok inminiklo tokotoyagani piyotaolakman.

Monagiyotin kanoginigin

“Monagiyotin kanoginigin” ukoa atugitagani inuk inminik tokotiyomanigumi ihomagigitaganilo. Ima monagiyotin kanoginigin iglumeokatikateaknik; ikpigohukumilo ukpiknikmik; hakogiktonik inuhikmi ayoknaknigin ihoakhilaklogin; sikuteakhimanik; havaakagumilo; ihomalo monagiyaoteageagani piyageakaligagan. [7, 8, 2, 16, 3] Monagiyotin kanoginigin ihivaotaogitun ihomaloknaknigagan piyotaoyun Inum inuheani. Kiheani, pivaaligutigiyaen inum ayogeogutikhaenik ihoakhageagani ukoa.

Aktoknigin ihomaloknakniganik amiginigagulo piyotaoyun inmiknik tokogiyvaktun

Pikagitok ataohenakmik huk ilagin inoen uktogumaenaktun inuhiktik tokomakmagaa. Ilitokhaeyotin ahini naonaegutaoyun inoen inmiknik tokotinahoan iniknigugaagamik ihomalolakivaktun inuhikmikni (ataohehhotik uktokatahotiklunen). Inoen inmiknik tokotinahoan inulgameovlotik ihomalokpalakatagitun inuhikmiknim, kiheani ihomalokataenakpaktun , imikpalalikatahotiklo inuhikmikni nuleaknikulo piteaktaokatagitotik. [15] Taemaetkaloaktologo, ilitokhaeyin agikatigektun ilagin kaoyimayaoyun ihomaloknakniginun kanoginigin inmiknik tokotiyotini – imikpalaknik, inum ilagiyamilunen ayokhaotikakata, naglikhaktitaohimanigumiklunen timimigun nuleaknikolunen – takukhoatkiyaoyun Inoen nunagiyaeni. Imatun, Pilehiman nuleaknikun amigaenigin ihoenagutin Nunavumi kulinik amigaenikhaoyun humilikaa Kantami. [14]

Amigaenigin ukoa ihomaloknaktun kanoginiginun ilagikugikmagin aginikhaoyun inuhikni aalagukniginin, taemaelivaleaginakhonilo, Nunavumi. Ataohik ilitokhaeyun Nunavumi okaohikaktok amigaetonik ihomalutaoyonik – havaakaginikmin ilagelo nigakpalakniginun imivalokniklo atugeaginikmin – kigoagulo okakhoni ukoa ayokhaotin “ilaokmata inukatigeni, inuhikmilo manikhakheogutinilo noatkatigenilo aalagukpaleaniginin.” Ihomakateaknikhamun ikayutin Nunavumi, ilitokhaeyun okaktok, aplogeakaktun avatanun ihoakhaotoevaktonin ihoakhaklogilo aginikhan inuhikmi ihomagiyaoyun. [10] Una ilitokhaon naonaegutaokman ukpigiyayenik amigaetun Nunavumeon igatakknigin inuhikmi

ihomalutaoyun, aolaenaktun ihoakhihimagitoni inuhikmi naglikhagutin, piyotaoloakman Nunavumi amigaenigin inuhoekhimayun inmiknik tokotivlotik. Una ihomalutaoyok hakoegutivakman inuhikmik ilitkohikmiklo aktoknikakhonilo tamaenik nunakaktonik, kinalikaa aktoktaogitkaloakhoni ayikenik.

Kaoyimateageakaktok ihomaloknknigagun amigiyotinulo kanoginigin kiklikhaogitun: ukoa ihomaloknknikun piyotikaktun ihomagiyakalimaginmata inmikni tokotiyagani, aalatkeniklunen amigiyotini pikagaloakan aniknaelimaginman hunalikaa. Atuni inuk aalatkenik ihomaloknknikaktok amigiyotini aolaenaktonik kanogiliyokagaagan, inminiklo tokotiyagani (taemaeginalunen) piyotikaktoklo inum kanogileoguhikhaanik kanogiligeaknikan. Hagmaekhimagamik ihomaloknknitonin, ilagin Nunavumeon ileagenakhivaktun agiyonin naonavyaktonilo naglikhagutin, ataotikun ilagin inoen ilagelo kanogilivalaagitun inuhikageaginakhotiklo havateakhotiklo inuvaktun.

Ihivgeoktakmata ilitokhaeyotin inmiknik tokotivaktun taemaeleogumayolo ukoa Ikayoktigen kigoagun ihomayun ima:

- 1) Nunavut pikaguknakhivun ayikenik 'naonaepkotini amigaeniginun' inmiknik tokoginahoakpaktonik inuyutimiknun ila tamaeta inoen pitkohigenaktaenik.

*Una naonaektok havitiyageakaktogun Nunavumeon ihomaenun ikayutikhanik ,
Tamaenik okateakhimayonik, ayikotaenik ihoaknikhanikklo kahaktonik
Kanatameotanun kavlonan nunaeni.*

- 2) Amigaekpaleanigin inmiknik tokotinahoan kaganoak ukeoni, inulgamiiniloak, piyotaoyok aalagukniganin inuyuhiknik – ilagini kiguligeni atokpaleanigin naglikhaknigin inoen kanogiliniginilo (amigaekpaleanigin ihomamigun, timimigulo, nuleaknikulo piteaktaogitun, nigaktulo, imikpalaktoniklo).

*Kagikhiyotigiyakun naonaeyageakaktakun ihoakhilogolo inuhikni pigeagutin
inmiknik tokotinahoan inukatiptikni.*

3) Ayoknaktun inuhikmi ilitogiyaohimayun ihomalutaolaktun (imikpalaknik ilaonikan tokitagunmi “ihomaluknaknik”), ihomagiyaoginalaktok amigeatun ihomaklikhimayun Nunavumi inoen.

Una piyotaoyok hakugikhivaaligeagani okaoyiyukhan ihomaloktolo ikayutikhan Nunavumi. Ilageagutilo, ilitokhaktaoyageakaktun tukihiteageaptikni amigaenigin ihomakluktun Nunavumi.

Piyotaoyok inmiknik tokotigitaagani Nunavumi

“Inmiknik tokotigitaagani” okaotalaktok tamatoaginak aginikhamiklunen. Tamnatoaginak tukitagun pikaktok naonaepkotinik naluheoktaoyun ilitokhantikmin ikikliyagani inmiknik tokotinahoan humilikaa hivitoiyomi. Aginikhak tokitagun pivikhakaktok “ikiyotitik inuhikmik” hulilogagutmik, iyogoegutaonikan inuhikateagutaonikalunen. Kaganoak ukeoni, inminik tokotigitagani Nunavumi ilaoginaliktok ukunani “ikiyotitik inuhikmik” havaani, manikami hiniktageagutin, numiknikmik ayoekhavelo, ayogeageaganilunen holilogagutitik. Ukoa okaotaoloakpaktun inuknin nutkaktitiotikhanik okaotaoyonik Nunavumi amigaetun inmiknik tokotivaktun.

Una Atoligumayaoyun ikayogomakmagin nunalikni pivaleayotikhan havaan, Ikayoktigen ukpigohuktulo agiyok pigeagutikhan ihageagiyaokmata agiklivaaligeagani ihomakateaknihamik ikayutaoyonik okaohigiteaklogilo naluheoktaoyun nutkaktitiotikhan. Taemaetologo, atulikoeyun Atoktukhamik pigahuni iliguktoni:

1. Iloengaomayun ihomakateaknikhamun ikayutin ikayoktilo.
2. Nalohoektaoyun nutkaktitiotikhan takukhaokmata aheni nunani ikikligeagutin amigaeniginik inmiknik tokotinahoan.
3. Nunalikni pivaleanikun holilogagutinnik (kaoyimayaoyun “ikiyotitik inuhikmik uvalunen “kuveahutigivlogo inuhik” holilogagutin) pivaaligutin inuk nunalelo ihomakatealilgeagani, inmikniklo ihomagiyakateagutin ayogoegutikhalo, ilaoyolo nutanik ayogeagutikhanigeagani inuhikatealigeaganilo nakoyomik.

Ilageagutitik ihoakhageagani Atoligumayaoyum kanoginikhaa, atoknikateaktok tamaeta inmiknik tokotigitaagani ihomagiyaoageakaktun. Inmiknik tokotigitaagani holilogagutin pigahunun iliyaolaktun iliguktoni kiheani ilageni havaani: taemaeleogyotin, nutkaktitiotilo, kigoagolo ikayutikhan.

Taemaeleogiyotin pikaktok amigaenikhanik holilogagutinik, ilakaktoklo monaktin nutakalo aneagiyotikhaenik nutakalo pivaleanikhanik inulgameotilogin.

Taemaeleogiyotilo ilakalaktun ahenik nalohoektaenik ikiklivaaligeagutin inmiknik tokotinahoan ihomagiyakaktolo taema nunagiyaoyomi.

Nutkaktiyotin ukoa inoen inmiknik tokotinahokuknaktun tikoaktaoyagani, havaalo ikayutilo pikageagani atoktakhaen. Nutkaktiyotin tayaenak ihomaloknaktok ilitokhageagani ikayoktoeyotilo ihomaloknaegeagani inuk ayoknaktoguktilogo: ilakaktoklo ikayotikhanik, kigoagolo piyotikhanik ikayutinik (okaoyiyukhanik ila) hivitovalaagitomi atokhaaktukhamiklo.

Kigoagun pigeagutin havaan ikayutikhateakaktok ilagenun nunaliknetonulo kigoagun inminik tokotinahoakhimayum. Ihomagiyaooyok ikayoktogeagani ukoa aktoktaohimayun umaga, ihomagihoegeaganilo. Ilageagutin ikayutinik ukuniga ilaeyaktunik, kigoagun ikayutin ihoaktikhalo mikhivaaligeagani aktokniga inminik tokotoyum. Okaohikaktoklo ihomalutaoyonik inminik tokotiyok uktoktoklunen iyoaktaolakman inuknin nunalikni.

Nakunikhak, Ikayoktigen piyotikhaan inmiknik tokotigitagani pikahoni ataotimeoyun atoktaoneakun ilakaklotiklo inmiknik tokotigitagani, nutkaktitiyotilo, kigoagolo ikayutinik. Una piyotaoyok iloengaomayonik havaakakneakok ikayutikhaniklo. Nunalen ihoaktomik piyotikageagani inuhikateaknikhamun; kavamalo ikayogeagani iloengaomayonik ihomakateaknikhamun ikayutinik; kaoyimayaoliktulo ilitokhaotin atoktaoteageagani ihomaleogutikhani tikoaktaoyoni nutkaktitiyotikhanik inmiknik tokotigitagani.

Akhugutikhan anigugeagani

Ihomagiyaotilogo uvani Atoktaoyomayum piyotikaktilogo inuknik, ihoaktomik atokpaleaniga iloengaomayonik havakatigegutiniklo piyotikageakaktok nutkaktitiyotikhanik inmiknik tokotigitagani. Upipkageagani havaligeaganilo ilaoyun kanoklikaa ukeokaktun, ayoetolo, kinaonigilo inuhikmikni, nunanilo amihonik akhugutaoneaktun. Ukoa akhugutin okateakhimayun titigakhimavlotiklo uvani kinalikaa

tukiheateageagani ukuniga havaagiyaoyageakaknigin ihoaktomik atuligeagani Atoktaoyomayok.

Iitokhageakakniga kanogiliniga taemaeginageaganilo

Ikayoktigen nahogigitun tayaenak holiyutin kilaminoak ikikliyotilimagitun inmiknik tokotiyomayonik Nunavumi. Amigaetun okagekximayun Atoliktukhami uvani, atoknagikatalunen nakoyomik, piyotaolimagitun iniktukhanik ukeoni amigaetoni. Nutpaleanigin inuyutunik piyageakaktun ikiklivaaligeagani inmiknik tokotiyomayun. Kuveagiyaageakaktavun nakoyun upiyotin, kiheanilo kanogilinigin naonaeyageakaktun atoklogin ihoaktun naonaepkotin.

Piyageakakniga tamaeta ikayoktigen ilaoyagani atokpaleaniganik

Nunalen okakatigiyaotilogin, okakloakximayun atokpaleaginiginik Kavaman atuligumayaenik, ihomalokhotiklo una “ilipkamayaoginakloni pilukneagunakhiyok.” Inmiknik Tokotigitagani Atoligumayaoyok taemaeneaginikan, maligalikiyoloanin avaletomik piyageakaginman. Okaotaoyun Atoligumayaoyomi aolahoekan ataotinin ikayoktigenin maligalikiyinilunen, poeguktaoneakman himiktaolonilunen kiguligenin hivolikhoktinin hatkiktitiyomanikata nanminik maligakhamiknik havaohiknik. Taemaenman, atokpaleaniga ataotinenak atoktitiyukhani piyageakaginman aolateakniga aolateaginigalunen. Kiheani, nunalen hivolikhogeakaktun atokpaleanigagun, Nunavumi ila tamaeni upiyotin atoktaoyagani ihoaktomik nakuteaktomiklo.

Atuteageagani ihoatkiyan Inoen Okaohenik taeyotunik okaohikaktilogin inmiknik tokotiyotin

Ataohik ayokhaotaoloaktok Nunavumi nutkaktiyotin okaoheoginakhonilo una “inminik tokotiyotin” Inoen okaoheni. Humilikaa ihoegiyaokman okaoheoyok atoktaoginaktok uplomi. Amigaenmata inuheoknik okaotaoniganik okagiyaoyoklunen Inoen okaoheni, igilgaalo naonaetomik okaoheoteagaloakman inminik tokotinin. Nunalen okakatigiyaokmata, amigaetun Inoen okakximayun ihomalutigiyamiknik igilgaan taeyohea

himaohiktaokman ihoagitomik okaohikmik, ihoeliyotaokman inoen umiga okaohikageagani ilgahukhimaetomik. Okaohikakpaaligeakaktun kanok una inmiknik tokotlinik okaotaoyagani Inoen Okaoheni.

Nutkaktitagani atokniga inminik tokotlinik pipkaeyotigiyagani hunaniklikaa

Inmiknik tokotlinik atoktaoginaliktok inoen ikhitagiyotigilikhugo ilamiknik, ilanagiyamikniklo inukatigiyamikniklunen tonihiyagani piyomayaenik. Okaohikageakaktun ihoatkiyamik nakonikhamiklo okaohigiyagani inminik tokotlinik. Ihageagiyaoyok ihoaktomik okakatigeknikmik nutkaktiyotikhaniklo, inoen huliyotaen anigutaogitagani inmiknunen ahenulunen okaoyaotilogin huliyotaen ihoenigiyaenik ihoahageakalikhotiklo. Igatavalamik inuyotayun atokoyaen inoen humilikaa, inoen atuteakneakun kamahukhimaetomik kanogilinhagun kigoani.

Ikiklivaaligeagani imakloknik nigakniklo

Ikeyoktigen kaoyimaliktun Nunavumi amigaetun nuleaknikun piteaktaogitun, timimigun okaohikolunen, imiknik imigaknaktoniklo atokpalaaknigin taotokhogo humilikaa Kanatami taemaenigin. Ukoa oyokhaotin amigaegutaokmata inmiknik tokotiyumayun, kuklutigivlogilo aniktoktaoyun aktoknikalakmatalo inuyuhikmikni. Hakogiktonik upiyotikagitpata nunalen kavamalo ikiklivaaligitikhanik nuleaknikun piteagiyotin, timimigulo okaknikulo, imiknik imigaknaktoniklo atokpalaaknik, inmiknik tokotinahoanik nutkaktiyotin piyotikakloakneakun ihoakhaotikhanik taemaeleogitagani piyotikhanik atogoeklotik. Taemaetologo, una Atoligumayaoyok pikaktok iniktiktaoyomayonik kiheani takoteaknaktonik ikiklivaaligeagani imakloktun nigaktolo. Taemataok, nunalen kavamalo atokhimaklogin ihoakhivaaligeaklogilogilo taya havaatik ikikliyotikhan inoen ihomaloknaktokuknigin.

Hakogiktonik havakatigeligeagani timeoyun

Nunavumi aneaktaeliyotin aolanikateageakaktun, ihoakhateaklotiklo, iloengaomayun ihomakateaknikhamik atoktaoyagani. Una hatkigotaoyok akhugutikhanik humilikaa. Ikitun ayogeogutin ihomalutaoneaktun hivunikhami; tayalo ikitutilogin Inoen aneaktonik monaktikhan, ilitkohikmuun namateaktonik aneaktaeliyotikhan akhugutaoginakneaktun. Atuligumayaoyok aolanikateakneaknikan, nunaliknigaktun timeoyun, Inoelo timigiyaen, Kavamalo havakatigeageakaktun nakunikhamik monakhiyotikageagani taya, ataotikun ihoaktomik ilakuvaloen ihoakhiyagani ikayutikhanik.

Atokpaleaniga Atoktaoyumayum: Okageyakhimayun

Ihomagiyaoyok uvani Atoktaoyomayomi ikiklivaaligeagani Nunavumi inmiknik tokotiyun Kanatami amigaeniginun nalaomaligeagani ikitkiyaolotiklunen. Piyagani una ihomagiyaoyok ikayoktoayageakakneaktun nunalikhin, ilagin nunalen, Inoelo timigiyaen, kavamalo havakatigeteageakaktun togaklotiklo ataotimun iniktakhamun.

Piyageakakneaktoklo naonaeteakhimayonik okageyaktanik aalatkenin ikayoktigenin. Kigulikmi, iniktaoteageakaktok Upiyotikhanun Opalogaeyaon. Ikayoktigen aginikhamik pinahoakatakмата aolanikateageagani havaagiteaklogin atuni ukoa piyotaoyun.

Hivulikmi, Ikayoktigen kitoniklikaa upipkaehimayun pivaleayagani una Atoktaoyomayok, nahogivlogolo nunalen ikayoktokniga atokpaleanigagun. Aepataok, ihoahaehimakmata naonaetonik okageyaotini (okaotaoyonik ilagani uma titikam) atuni pigahuni ilaoyonik Atoligumayaoyumi. Opalogaeyaeyolo pivaleaniganik ilitokhaeyotikhanun ihoakotikhanik aolayutikhaniklo una aolaniga naonaeyaktaoyagani unipkagiyaoyaganilo inuknun.

Ataotimi, ukoa okageyaotin ilitokhaotikhalo keoyotaoneakmata tamaenin ikayoktigenin okagekhimayaenik Nunavumeonun. Kigulikmik, Ikayoktigen okageyaktun iniknigeagani Upiyotikhanun Opalogaeyaon hatkiktitaoyaganilo pigahoni taktikheotini toniyaoniganin uma Atoliktayomayum.

Ikayoktigen havaagilgaktakhamiknik ihoakhaeneakun okaotaohimayoni pigahoni aolayutikhaloani havaani inmiknik tokotigitagani Nunavumi, piteaklotiklo

ikayoktoknahoakneakun taemaeleoktokagitagani, nutkaktitiotiniklo, kigoagulo kanogileogutikhaminik.

Atoligumayaoyomi egoyun okageyakhimayun uvani ukoa:

Okageyaon 1: GN-kon ihomagiyakakpaalikneakok upiyotikaklotiklo inmiknik tokotigitagani.

GN-kon ayogitun aolapkeagani kanok inmiknik tokotigitagani Nunavumi. Aneaktaelinikun Ayokhaktolikiyilo aolapkaeloakneakun GN-konik, ahelo havakveoyun ukoa Ilihaktolikiyin, Apikhoeyolikiyilo Iitkohinik Okaohiniklo Iniknigin Inulgamelo ayikeklotik atokpaleaneakun umiga Atuliktukhamik.

Taemaetomik, GN-kon ihoakhivaalikneakaen avatkotiyotigiyatik piyotinik ima upitpaleayagani havakvigiyatik pivaaligeagani inmiknik tokotigitagani, atunilo havakveoyuni huliyotaen ilaoligeagani upiyotikhanun opalogaeyaonmi uvani Atuliktukhami.

Okageyaon 2: Ikayoktigen pivaalikneakun atokhimakniganik ihomakateaknikhamun ikayutinik, piyotikakloaktunik keoyotikhanik ilitkohiknulo atoknikakloaktonik.

Taya, ilagin inoen pikaginmata ihoaktonik atogeagani ihomakateaknikhamun ikayutin. Pikageagani iloengaomayomik monakhiyotinik – kanok aneagutikakniganin okaoyiyunilo nunaliknigaktoniklo Inoen haemakhaotigiyaenikk – ihoakhivaaligutaoneakmat inuhikateaknikhamun – ihoakhiyotaoneakman inuhikateaknikhamik kanoklo ihomaloknagniginik ukoa inoen inuyutikhaenik.

Talvuna Ikayoktigen havakatigegumayun ihoakhiyagani taya ilakoenaen ikayutini, amigaekpaaligeagani ihomakateaknikun ayoetokageagani ikayotikhanik,

ihoakhivaaligeaganilo ilitkohikmun atoknikatealigeagani ihomakateaknikhamun ikayutin. Ilagani uma okageyaotim, GN-kon hatkikhineakun ihoakhivaaliklogilo ihomakateaknihamun pikotivaleon iglun Nunavumi, nutaguktigeaklogolo Ihomakateaknihamun Atoligumayaeni, ihivgoeklogolo Ihomakateaknihamun Maligaoyok, GN-kolo ingomayunik okaoyiyotin kahakhimaenakneakan atoktaoyagani tamaenin Nunavumeotanin ikayoktaolakmata ukunanga.

Okageyaon 3: Ikayoktigen ihoakotikhaenik inulgamen inuhimageagani ihoeliyun hatkigaloakan holilugaagutin ihoetonik inuhikmi ihoelijotilo ihomami.

Ihomagilogin amigaetun inulgamen Nunavumi iniknigukpaktun ayoknaktogukhotik, agitkiyamik ikayoktoelaktun ihoelijotini aktoktaogitpalageagani inuhikmi (ilagegoektokakan) ihoetolunen ihomayotini nakogitonik piyotavaktonik kigoani.

Taemaetologo, Ikayoktigen okageyaktun pikageagani hakugitkiyamik amikhiyotikhanik inuyuheni inulgamen kaoyiyagani ayogeogutikhamiknik, ilakaktoniklo ukoaginaogitun kitulikaa akigaktoeyagani timimik nuleaknikulo piteagiyotin, agayolakhalo ayoekhavanik. Ilageagutin, Ikayoktigen okageyaktun ayoekhavikageagani inulgamen inuhimageagani aniguklogilo ihoetomik ihomalutaoyun, ila nigakhagaetun ayoekhavihaen, ihomakateaknikhamun sikukvikni ikayoktin, atokpaaligeaganilo ihoaktun holilugagutin ulapkinikun manikeagutiniklunen.

Okageyaon 4: GN-kon havaakakneakun inmiknik tokotigitagani nutkaktiyotikhanun ayoe khayutini ato enaklotik iloengaomalotiklo.

Ikayoktigen kaoyiyun amigaenigin inmiknik tokotinahoan amigaetukmata Nunavumi, ilagilo inoen ikayoktoeyumakmata ilanagiyamiknik, noatkatimikniklunen kivgaktoktaminiklunen inmiknik tokotinahoaktonik ihomalutaoyonik. Ayokiktogeagani inoen ilitakhiyagani naonaegutinik inmiknik tokotinahoaknikata, ihoakotikageaganilo piyotikhaeniklo okakatikageagani inuknik ihomaloknaktonik monaktaoteageaganilo tikoaktotilogin, Nunavumeoni nunalen upiyotikateageagani inmiknik tokotoyomayokakan.

Taemaetologo, GN-kon okageyaktun pikageagani ayoekhayutikhanik ayogoegeagani inoen ikayogeagani ihomalutaoyun inmiknik tokotinahoaknikata. Nunavumiloak atoktukhanik inmiknik tokotinahoan nutaktitagani ayoekhayotikhanik humilikaa Nunavumi inugiyaenin havaakaktoniklo ihomaloknaktonik inuknik, ahenulo hivolikhogumayonun inmiknik tokotinahoan nutkaktitagani nunagiyamikni.

Okageyaon 5: Ikayoktigen ikayokneakun ilitokhaeyotikhanik tukiheatkiyaoligeagani inmikni tokotinahoan Nunavumi ihoaknigilo inmiknik tokotigitagani havaan.

Amigaetun ilagoenaen kaoyimayaoyonik inmiknik tokotinahoan inuyuheni Nunavumi, atugeakagitomiklo pikaginiganik naonaepklotaoyonik ilitokhaotinik inmiknik tokotigitagani havaani. Ikayoktigen ilitakhiyun ilitokhaotin inmiknik tokotovaktun Nunavumi atoknikateakman tukiheateageagani ihomagiyayoyok, kaoyipkaklogilo pitkohikhanik havaanilo ihomaleogutaoyonik, keoyotikateageaganilo atoklogin nalohoektaoyun ukoagogitun kiyalikaa maliganilunen ihomagiyayoyun.

Taemaenman, Ikayoktigen okageyaktun havaagiyagani, ikayoktoklogilo okaohigilogilo avanmun ilitokhaotin inmiknik tokotiyomayun kaoyimayaoteageagani. Ikayoktigelog agiktun amigiyagani naonaeyaklogilo hulilugagutin piyotikaktun atokpaleanigagun Nunavumi Inmiknik Tokotigitagani Atuligumayaenik.

Okageyaon 6: Ikayoktigen okaohigineakaen avanmulo atoktilogin hivonikhiyotikhan Nunavumeotalo atoenaklogilo.

Tohaomayotin aalatkektun, kiheani piyotikaktun Atuligumayaoyoni malguk ataotimeoloaktuk. Hunalikkaa hivonikhiyutin ihomakateaknikun, inmikniklo tokotiyun, havaohiteagoyulo inmiknik tokotigitagani kahatkiyaoyageakaktun atoktaoyagani Nunavumeonin. Ilagalo, hivonikhiyotin atokpaleanigagun Atuligumayaoyum Upiyotikhanulo Opalogaeyaon okaotaoyageakaktun Nunavumeonun ilaoteaklotik, ukeongaginaklotiklo kahakhimalotik.

Taemaenman, Ikayoktigen okageyaktun kitulikkaa ilaoginageagani pinahoakneakun.

Okageyaon 7: GN-kon ihoakotikakneakun kigulikhaptiknik pivikhakateageagani inuhikateaknikhamun nutagaotilogin.

Teamaeleoktokagitagani atulaktun amigaetoni, kiheani Ikayoktigen ilitakhiyun ilaoniginik agayokan, nutaganoelo, nutakalo aneaktaeliyotikhaenik agayokalo ilaonigin ulapkiyotini pikageagani amikhiyotikhanik Nunavumeotani. Nutakan ayogoekpaleayagani pivikhakaknigin, kahaknigilo nutakikiven nakoyun, nikikateakniklo, kanogileogutikhalo nutakan amigiyaoyagani piteagutaogitonin monagiyaoteaginikmilo piyotaoneakun amikhiyotikhanik Nunavumi nutakanik atoenaktakhaenik inuhikmikni, nutkaktitaganiilo inuhikmi naglikhagutaoyun.

Taemaenman, GN-kon okageyaktun atuligumavlogo Kitunilikaa Aneaktaelinikun Atuligumayaenik, Agayokalo Nutaganoelo Aneaktaelinikun Atuligumayaenik, ihoakhivaaligeaganilo taya atoktun ECD-ni havaan ikayutigiyagen HSS-kon. Ilageagutanilo GN-kon nutagaonigini pivaleayotikhan kahakhimaenageagani Nunavumeotanun, nakoyulo Inoenaknin ilihaotaoyukhaloan havaagiyaoyagani tamaeni nutakikivikni.

Okageyaon 8: Ikayoktigen ikayoktoeneakun nunaliknik upiyotikageagani nunalikni pivaleaniginik holilugagutnik.

Ikayoktigen agikhimayun ihoakhivaaligeagani inuhikateaknikhamun ihoakotin inmiknik tokotigitagani. Nunalen ilaoteageakaktun tamaeni hunanilikaa Atoktaoyomayomi, kiheani havaagiloaklogin havaan ikayutilo pivaaligutoayun aneagitagani inoen ilagelo.

Taemaenman, nunalen tikoakhiyagani upiyotikageaganilo nanminik nunagiyammiknni ihoakhakhiimayonik havaagilgaktakhamiknnik, Ikayoktigen nunalen atoeneageagani manikhaakhanik inuhikmiknni ilitkohikmiknilo havaagilgaktakhamiknik, agiklivaaligeaganilo nunalikni pivlaeniginik ayogeogutikhanik.

Iniktigutin

Atoligumayaeni, Ikayoktigen okaohikaknaoakhimayun tukiheayutikhanik inmiknik tokotivaktonik Nunavumi kanoklo taemaeleogitagani. Okageyaotin hivoani oegoani hivonikhiyotaoyun imiga. Ikayoktigen ihoaktomik atokpaleaniga agiyun atoligumayaenik okateakhimayoniklo havaakhamiknik, ihoakhiyotaoneaktun inuhikateaknihamik ikiklivaaligeaganlo inmiknik tokotinahoan Nunavumi.

Amigaetoni, okageyaotin uvani Atoligumayaenik ilagiyaen iniktigumayaenik aheni Kavaman Nunavumi atuligumayaeni hatkikhimayun kaganoak ukeoni. Nunavumi, tukiheayaokman agikatigeknigin atoknigagun agayokan aneaginikhaenik nutakalo pivaleaniginik, nunaliknilo inuhikateaknikhamun pivaleanik, Inoelo inuyuhikmikni atoktaenik. Ilitokhaetaktilogin okakatikaktaktilogilo, Ikayoktigen tukiheatealiktun kanok ukoa agiyun piyotikaktun inmiknik tokotiyotini, ukpiguhukhotiklo ihoakotikateaknigin ukunani atuteageakaktok ikiklivaaligeaganilo inmikmik tokotiyun Nunavumi.

Atoknikaktolo takukhaoyun ihoakhivaaligutikhan atokhimaginageagani
ihomakateaknikhamun ikayutin ikayoktolo Nunavumi. Nalohoeknigin ihomakateaginigilo
ihoeliotin, ihoakhaotikhalo kigoani, ikayoktoktaolotiklo nunaliknin amikhiyotikhanik,
amigaenikhan inoen aneaknaetomik havateaklotiklo pivaleaneakmata.

Kigulikmik, Ikayoktigen ilitakhiyun atokniganik hivonikhiyutin tukiheavaaligeagani
inminik tokotitik maligoakhaniklo inmiknik tokotigitagani kanogileogutaen.
Ikayutaolaktun hivonikhiyotikhan nunalen inmigun aolavaleayotigilaktaen
ihoakhinagigeaganilo tokotiyokagitagani inmiknik. Ilitokhaenik kaoyiyotaokman
pitkohikhanik havaakhaniklo. Kagugugaekpan naonaeyakniga kanok atoktaoniganik
Atoktukhami okagektaohimayun atokpaleaniginik keoyotaoneakmata tamaenin
ikayoktigenin.

Tamaeta upiyotaen Ikayoktigen 2008-min havaagiteaktaoyok keoyotigiyagani
apikotaoyomik, "kanogileokneakita inmiknik tokotigitagani Nunavumi?" Amigaetok
ilitogiyageakakhugo, atoknikateaktok taya atuligeagani Atoktaoyomayok,
ikayutaoneakman taemaetageakaginiga inmiknik tokotiyun Nunavumi, ikiklivaaligeaganilo
inmiknik tokotiyun, inoelo inuhikatealigeagani havaakatealiklotiklo.

Taegoagakhan

1. Boothroyd, Lucy. (1998) *Inmikni Tokotinahoan Itkilgit James Bay-mi: Hivonikhiyutin 1991-mi Santé Québec Inuhikateaknikmik Ilitokhaon Taemaeleogitaganilo Atuligumayaenik*. Takukhaopkaktitaogitok titigakakniga, August 18-mi 1998-mi.
2. Boothroyd, Lucy, Laurence J. Kirmayer, Sheila Spreng, Michael Malus, and Stephen Hodgins. (2001) "Inikhimayun inmiknik tokotiyun Inoen ukeoktaktoani Guebec-mi, 1982-1996: Inuk ilitokhakniga." *Kantami Aneaktolikiyin Makpigaaga* 165(6): 749-755.
3. Evans, Emma, Keith Hawton, and Karen Rodham. (2004) "Piyotin ilagiyaen inmiknik tokotiyun kanoginigin inikniguliktun: Ihivgeoknigin inuknin ilitokhaotini." *Aneakvikni Ihomagiyaenik Ihivgeokhiyun* 24(8): 957-79.
4. Flouri, Eirini. (2005) "Ihomami inuhikmilo piyotaoyun agayokagunikmik kanoklo ilaonigini inmiknik tokotinahoani." *Tutkomayaoyun Inmiknik Tokotiyunik Ilitokhaotin*, 9: 373-383.
5. Haggarty, John M., Zack Cernovsky, Michel Bedard, and Harold Merskey. (2008) "Inmiknik tokotiyun ilaeni Ukeoktaktomi iglumeokatigeni." *Inminik Tokotiyun Inuheoknahokuknaktolo Piyotin* 38(6): 699-707.
6. King, Cheryl A, and Christopher R. Merchant. (2008) "Inuhikmi inukatigelo kanoginigin piyotikaktun inulgamen inmiknik tokotoyun: Ihivgeoknigin titigakhimayun." *Tutkomayaoyun Inmiknik Tokotiyunik Ilitokhaon* 12: 181-196.
7. Kirmayer, Laurence J., et al. (1994) *Inmiknik Tokotivaktun Nunatakaktoni Inukni: Piyotaovaleayun Ilitokhaeyotini Nutkaktiyotini*. Havakvik Inuhiknik Aalatkenilo Ihomaenik, McGill University, Unipkak no. 1. Ihoakhaktaohimayok atoktakhan Kamiseoyum Nunakakakton Inoen.
8. Kirmayer, Laurence J., Gregory Brass, Tara Holton, Ken Paul, Cori Simpson, and Caroline Tait. (2007) *Inmiknik tokotivaktun Nunakakaktun Inoen Kanatami*. Ottawa-mi: Nunakakaktun Haemakhaknigin Tungaveoyok.
9. Lafromboise, Teresa, and Lewis A. Hayes. (2008) "Zuni ayogeageagani inuhikmi havaak: Sikukvikni inmiknik tokotigitagani nutkaktiyotin." *Inmiknik Tokotiyagani Inuheoknahokuknaktoniklo Pigeagutin* 38(3): 343-353.
10. Law, Samuel F., and E. Miles Hutton. (2007) "Nunalikni ihomalikiyotin Kantami Ukeoktaktoani - ihomagiyaoyun ataohikmi ukeomi okakatigiyaohimayun Ikalokni, Nunavumi." *Kantami Titigaan Nunalikni Ihomakateakniginun* 26(2): 123-40.
11. Malus, Michael, Laurence J. Kirmayer, and Lucy Boothroyd. (1994) *Ihomalutaoyun Uktokniginik Inmiknik Tokotoyagani Inoen Inulgamen: Nunalen Ilitokhaktaoyun*.

Havakveoyok Inuhikni Aalatkenilo Ilitkohikaktoni Ihomalikiyotin, McGill University: Unipkaak no. 3.

12. Niezen, Ronald. (2009) "Inminik Tokotini ilagegutaokman: Piyotin kanogiliyotilo ataohenaogitok inmiknik tokotigagata Nunakakaktoni nunalikni." uvani: Laurence J. Kirmayer and Gail Guthrie Valaskakis (eds.), *Haemakhaotinun Pitkoheoyunik: Ihomakateaknigin Nunakakaktun Inoen Kantami*. Vancouver: University of British Columbia Press: 178–195.
13. Nunavumi Aneaktaelinikun Ayokhaktolikiyilo (Titigakakhimayok August-mi 2009-mi). *Anigutin Nunavumi: Okateakhimayun Ilitokhaotin*. Titigakakhimayok makpigaak ihoakhakhimaya Chris Sikoras, Geraldine Osborne, et al.
14. Pilehiman, Nunavut V Division (May 25 2010). Timeoyomi naonaepkotin katitikhimayaen D. Gill.
15. Slama, Frédéric, Philippe Courtet, Jean Louis Golmard, Flavie Mathieu, Sébastien Guillaume, Liova Yon, Fabrice Jollant, Helene Misson, Isabelle Jaussent, Marion Leboyer, and Frank Bellivier. (2009) "Aalatken ilitokhaotin ukeoginik inmiknik tokotinahoagutaenik." *Titikan Ihomaenik Ilitokhaotini* 43: 895–900.
16. Speckens, Anne E.M., and Keith Hawton (2005). "Inuhikmi ayokhaotini ihoakhiyotin inulgamikni inminik tokotinahokuktoni: Ihoakhateakhimayonik." *Inmiknik Tokotiyagani Inuhoegutaolaktoniklo Pigeagutin* 35(4): 365–387.